



Universitätsbibliothek Paderborn

**Manuale Parochorum, De Plerisque Functionibus, &
Obligationibus, ad Parochias, Parochos & Parochianos
attinentibus**

Engel, Ludwig

Salisburgi

§. 2. De specialibus quibusdam Pactis an sint usuraria.

urn:nbn:de:hbz:466:1-40922

sum esse peccatum, qui non tam ex necessitate, quam ex complacentia peccati procedit, vel qui est causa peccati in altero. At debitum promittens usuras nec habet complacentiam in peccato usurarum, vellet enim mutuum gratis accipere; nec movet creditorem ad usuras exercendas, cum is alias ita constitutus supponatur, ut sine usuris credere pecuniam nolit, sed necessitate magis accipiendae pecuniae consentit, veluti si latroni exigenti pecunias promittat, utique per hoc non dicetur peccaminosè in peccatum latrocinii consentire.

§. II.

De specialibus quibusdam Pactis an
sint usuraria?

SUMMARIA.

1. An oporteat interesse in pactum deducere?
2. Propter periculum aliquando potest aliquid exigi ultra sortem.
3. Explicatur c. naviganti de usuris.
4. Montes pietatis an usurari?
5. Disputatio de pacto antichrysios.
6. Pactum de retrovendendo an lititum.
7. Olla fortuna excusatur ab usura & ab iniquitate, non tamen expedit Reipul.
8. Venditor ob dilatam solutionem an possit pretium augere.
9. Sitne licetum emere chyographa debitorum pro minori pecunia.
10. Examinatur prolixè contractusensualis.

II. In



- II. In specie de censu personali, & qualiter differat à mutuo.
 12. De Cambio, & ejus lucro.

Quartitur primò, an interesse lucri cessantis, 1
 vel damni emergentis possit à creditore
 statim tempore dati mutui in pactum deduci?
 Respondeo affirmativè, nam quod justè possum
 exigere, possum etiam in pactum & obligatio-
 nem expressam deducere. Imò si creditor ab
 initio hoc interesse in pactum non deduxerit,
 ex postfacto non poterit id aliter ab invito de-
 bitore petere, quam si debitor *in mora* fuerit,
 hoc est, si interpellatus à creditore (qui voluit
 alibi honestum **lucrum** querere, vel damnum
 emergens præcavere) non solverit, alias enim
 debitor rectè excipiet, si seivisset, tanti credito-
 ris ob mutuatam pecuniam interesse, se vel pe-
 cuniam ab ipso non fuisse mutuam acceptu-
 rum, vel certè interpellatum fuisse illico solu-
 turum, si tamen mutuum ad certum tempus
 contractum sit, tunc elapso illo tempore si de-
 bitor non solverit hoc ipso & sine alia interpel-
 latione constituitur *in mora*, nam dies interpel-
 lat pro homine, *Laym. dicto loco, n. 10. Nav.*
in manuali. c. 17. sub n. 211.

Quær. II. An, & quando ratione periculi a- 2
 mittenda sortis, seu summæ capitalis mutuatæ
 possit aliquid exigi? Plurimi DD: tam Recen-
 tiores, quam veteres sentiunt, res suas expo-
 nere periculo ob gratiam alterius esse pretio
 estimabile, cum nemo teneatur gratis pro al-

Tt s tero

tero curas suscipere, & res suas jactare, proinde creditorema citra iniuriam posse aliquid pro hoc periculo exigere, si illud subeat mutuando debitori, & debitor vel non velit, vel non possit dare pignora, aut fidejussores in securitatem debiti, *Lef. libro 2. c. 20. dubio 13.*

Covar. Arrog. Major. & alij apud Salas tract. de usur. c. 22. n. 33. ejusdemq; sententiae dicitur esse D. Thom. opus. de usur. c. 10. Qua ratione etiam sustineri posset talis contractus, si quis alicui det centum florenos eo pacto, ut si sacerdos factus fuerit, & beneficium obtinuerit, restituat centum & decem florenos, sin minus, nihil teneatur restituere. Item si quis mercatori trans mare eunti mutuet centum ea lege, ut si salvus redierit, reddat 120. si vero navis perierit, ipse vel ejus heredes nihil reddere obligati sint. Dummodo in his & similibus casibus verum & probabile periculum sit amittendae fortis mutuatæ, quodque periculum iudicio prudentum virorum tanti valeat, quanti id aëstimat mutuator, & pro eo ultra sortem petit.

3 Verum contra hanc doctrinam pugnat expressus textus in c. naviganti b. t. ubi dicit Pontifex. *Naviganti, vel eunti ad nundinas certam mutuans pecunia quantitatem; pro ea, quod suscepit in se periculum recepturus aliquid ultra sortem, usurarius est censendus.* Diversi diversas excoitarunt hujus cap. interpretationes, ex quibus duæ mihi videntur præferendæ. Prima est, quod in

in hoc textu omissa sit particula, non & legendum: *usurarius non est censendus*, quod valde arguunt verba sequentia, dum ibidem statim subiungitur *et ille quoque, qui dat. 10. solidos, ut alio tempore totidem sibi grani, vini, vel olei mensura reddantur, quæ licet runc plus valeant, utrum plus vel minus solutionis tempore sint valitura, verisimiliter dubitatur, non debet ex hoc usurarius reputari.* Ecce hic in primis Pontifex per illam particulam collectivam, *ille quoque*, videtur inter hunc & priorem casum paritatem facere, alias enim posuisset particulam aliquam adversativam, v. g. *ille vero aut ille est contra*, denide in posteriori casu propter periculum minuendi valoris earum rerum quas mutuator loco pecuniae stipulatus est sibi dari excusat, ab usura, ergo etiam & multo magis periculum amittendi totius capitalis ab usura excusabit, ubi enim eadem est ratio, eadem est juris dispositio.

Si vero alicui magis placeat servare verba prout vulgariter in Corpore Juris ponuntur, is dicere potest, secundo, textum in dicto e. na viganti, accipiendum esse de eo, qui ut possit aliquid ultra fortrem lucrari, non vult alter mutuare quam sub tali pacto recepti in se periculi, hic propterea usurarius taliter mentalis est, quod cogat mutuatarium pecuniae indigum tale pactum secum inire, qui fortassis mallet ipse periculum (quod sperat non adeo magnum futurum) subire, ne teneatur aliquid ultra fortrem solvere. Ita hanc interpretationem

ex



ex Syl. Medina & alijs adfert Lef. dicto. c. 20.
n. 116.

Quær. III. Quid sint *Montes pietatis*, & quare ratione ab usura defendantur? *Ré.* *Montes pietatis* in Italia & alijs etiam locis esse usuratos, & dici æraria publicè constituta, ut ad ea indigentes quasi ad montem refugium habeant, nemagis ab alijs usurarijs opprimantur. Nam ex his ærarijs sive *montibus* datur mutuum indigentibus ea lege, ut pro mutuo pignus relinquere cogantur, & intra certum tempus recepto pignore pecuniam mutuatam restituere, ac insuper exiguum aliquid adiucere: si autem inter tempus præfinitum debitum solutum non sit, pignus vendi possit, ut detracta forte, exiguoque illo adjecto residuum de aestimatione pignoris debitori restituatur.

Porro quia ut dictum debitor ex his *montibus* accipiens mutuum tenetur præter sortem etiam aliquid saltem modicum adiucere, olim valde dubitabatur, an hoc institutum *montium* non esset usurarium censendum? sed Leo in Concilio Lateran: *fess.* 10. unacum ipso Concilio hos *montes* tanquam pium institutum approbavit concedens indulgentias adjuvantibus & erigentibus, pro ut in *Tom. 4. Concil.* habetur. Item Concilium Trid. *fess.* 22 *de reformatiōne c. 8. 9. & 11.* inter *pia loca* etiam *montes pietatis* numerat. Ratio vero, quod isti montes usurarij non sint, ea redditur, quod in ijs ultra sortem aliquid detur non tanquam lucrum ex

mu-

mutuo, sed pro sumptibus necessarijs ad montis
conservationem præ stipendio ministrorum,
qui montem administrant, & semper parati esse
debent ad mutuandum, ad pignora recipienda,
custodienda, pro libris rationum cæterisque
necessarijs.

Quær. IV. Qid sit pactum *antichryseos*, & an
citra usuram fieri possit? R. Antichrysim esse
pactum inter creditorem & debitorem, ut cre-
ditor tam diu pignore uti, & fructus ejus lucra-
ri possit, usque dum sibi pecunia mutuo data
à debitore restituatur. *Antichrysis*. enim græcè
significat *contrarium* sive *mutuum usum rei* scilicet
in pignus concessæ pro usu pecuniæ mutuo
datae, *textus C DD. in l. si pecuniam. 33. ff. de*
pignoratitia act. Et l. si is qui. 11. §. 1. ff. de pig-
noribus. de hoc igitur pacto magna est contro-
versia, an sit usurarium censendum? Enimvero
pro negativa (quam sustinet Alciatus libro 2.
d. c. 3. & alij apud Minsyngerum Cent. 6. obser.
71. & And. Gail. lib. 2. obseru. 3.) militant a-
liquot argumenta, primò, quòd pactum *anti-*
chryseos dissentè approbetur in dicta l. si. pecu-
niā. & l. si is qui. item in l. si ea. 17. C. de *usuris*.
secundò in c. I. X. de *feudis* dicitur, dominum
lucrari fructus ex re feudalī sibi à vasallo oppig-
norata. Tertiò in c. *salubriter. 15. h. t.* decidit
Pontifex, quòd maritus pro dote uxoris sibi
debita accipiens à socero pignus lucretur fructus
hujus pignoris, & non teneatur, ob fructus
interim ex pignore perceptos minorem dotem
accep-

acceptare. Quartò nihil videtur continere ini-
quitatis, si creditor ex fructibus pignoris lu-
crum faciat propter culturam & curam, quam
in illis ferendis & colligendis impedit, arg. §.
si quis à non domino. 35. Inst. de rerum divisione.
ubi dicitur, bonæ fidei possessorem ex re aliena
lucrari fructus saltem consumptos propter cul-
turam & curam, quam rei alienæ adhibuit.
Quintò denique, si creditor emeret pignus pro
ea summa, quam mutuare vult, cum pacto;
ut pro eodem pretio licet debitori quando-
cunque placuerit redimere, validum esset pa-
ctum, & creditor haberet rem, ex eaque fru-
ctus perciperet, usque dum sibi à debitore pre-
mium redderetur, *l. 2. C. de pactis inter empt. &*
vendid. ergò si hoc licet creditori per pactum
emptionis, licebit etiam per pactum *antichry-
ses*; vel enim utrumque est justum, vel neu-
trum, cum utriusque idem sit effectus, neque
unâ viâ debeat permitti, quod aliâ prohibetur
juxta regulam 84. *juris in 6.*

Verūm contraria sententia & quod pactum
antichryses regulariter usurarium reputetur,
apud Theol. cum D. Thom. Caiet. Soto, & a-
lijs, ac Juris Canonici interpretes hactenus pre-
valuit teste Hen. Canis. *de usaris. c. 5. n. 15.*
Paulo Lay. *dicto c. 16. n. 17.* quibus adstipula-
tur Panor. *in c. 1. n. 2. b. t. & Covar. var. re-
solnt. l. 3. c. 1. n. 3.* fundamentum est in c. 1. &
2. h. t. ubi aperte deciditur, fructus pignoris si-
ne usura non cedere lucro creditoris, sed impu-
tan-

tandos esse in exonerationem sortis, quatenus
deinde minor sors, seu minus capitale restituatur,
quo plures fructus ex pignore percepti sunt.
Etenim ut praecedenti §. dictum usura est, quid
quid ex mutuo pretio æstimabile per pactum
creditor lucratur, sed hic per pactum *antichry-*
bos mutuo accedens lucratur fructus pignoris
ergo &c. Huc etiam facit *lex. I. 2. C. 3. C. de*
pignoratitia actione, ubi clare constituunt Imperatores,
ut fructus pignoris in sortem imputen-
tur. Ita tamen hæc sententia declaranda est, ut
fructus non possint cedere mero lucro credito-
ris. Secus autem si quosdam fructus velit rea-
tinere jure compensationis, scilicet ratione *lus-*
ericestantis, danni emergentis, suscepiti periculi,
vel expensarum in custodiendum pignus, vel col-
ligendos fructus factarum, non enim dicuntur
fructus nisi deductis expensis. *I. fructus. 7. ff. so-*
luto matrimonio.

Ad argumenta superius in contrarium allata responderi potest, & quidem ad primuni, *I. se*
pecuniam. cum alijs citatis, nihil relevare, eo
quod leges Civiles petmittentes usuras, ac usu-
arios contractus abrogentur per SS. Cano-
nes. Clem. unica h.t.

Ad secundum dicitur, speciale esse in feudo,
ut Dominus ex eo sibi à vasallo oppignorato
fructus lucretur per *d. c. I. X. de feudis. C. c.*
corquebus. h. t. quod & idem de *emphyteusi*
asserunt D.D. dummodo interea vasallo servi-
ta, si quæ ex feudo præstare debeat, & em-
phy-

phyteutæ canon remittatur. Rationem verò specialitatis assignat Hostiensis & Panorm. in d. c. i. quod hæc sit natura feudi, & emphyteusis, quam habet ex prima sui institutione, conventione, vel consuetudine, cum enim in feudo & emphyteusi directum dominium maneat penes dominum, & tantum utile transeat in vasallum, & emphyteutam, per oppignorationem verò res tota revertatur ad dominum, videtur convenientius, ut ea potius ipsi domino, quam alteri fructificet.

Tertium similiter singulare est, quod maritus ex re pro dote uxoris oppignorata fructus lucretur, idque ob compensationem *lucri cessantis*; nam si dotem ipsam haberet, ex ea fructus omnes lucraretur propter onera matrimonij, quæ subire debet, *l. dotis fructum. 7. f. de jure dotum.* ergo cum istud justum lucrum fructuum dotalium ob dotem non solutam marito absit, meritò compensationem facit ex fructibus rei pro dote debita oppignorata, prout idem facere posset creditor quilibet in pignore; si sua intereslet ratione *lucri cessantis* vel *damni emergentes*, ut dictum.

Ad quartum respondet Henr. Canis. de usuris. c. 5. n. 25. quod sibi imputare debeat creditor, qui *culturam & curam* ex contracitu illico in rem alienam impendit, ut propterea idem creditor non *bonæ fidei*, sed *malefidei*, possessori sit potius comparandus, qui ob culturam & curam nullos proflus fructus lucratur, sed

sed universos restituere tenetur. *l. certum. 22. C.*
derei vindicatione. & licet fortè creditor fuerit
 in errore juris putans, fructus pignoris posse ex
 pacto suo lucro acquiri, nihilominus sciendum
 est, errorem juris non prodesse, acquirere & lu-
 crari volentibus, *l. Juris. 7. ff. de juris & factis*
ignorantia.

Ad quintum dicendum, inter emptionem pi- 6
 gnoris cum pacto redimendi, & inter pactum
antichrysios magnam esse differentiam. Nam si
 creditor pignus emerit, deponitur qualitas cre-
 ditoris mutui, & pignoris, & emptor efficitur
Dominus, & fructus lucratur jure *domini* ex re
 sua. Et deinde re empta casu fortuito v. gr. in-
 tendio pereunte ratione potest amplius repetere
 pretium, quia res perit suo domino, *toto t. ff. de*
periculo & comenodo rei venditae. quæ omnia se a-
 liter habent in pacto *antichrysios*, ubi creditor
 non efficitur dominus pignoris, & consequen-
 ter fructus percipit ex te aliena, atque pignore
 sine sua culpa pereunte nihilominus pecuniam
 mutuatam repeterem potest. Interim licet emptio
 eum pacto redimendi ordinatio jure permis-
 sit, *d. l. 2. C. de pact. inter empt. & venditor.* &
 etiam *antichrysos* hoc pacto, sicut & alijs titulis,
 ex quibus justè aliquid ultra sortem exigitur, co-
 honestari possit, teste Laym, *in Theol. moral. lib.*
3. tr. 4. c. 16. n. 17. id tamen procedit, si omnia
 bona si de agantur, si nimisrum res justo pretio
 vendatur: & creditor non sit solitus usuras ex-
 ercere cogens debitorem pecunias iadigum ad

M A N. P A R O C H. VV talent

talem contractum alias non mutuaturus. nam ex modicitate pretij, consuetudine fenerandi, & si rem intra certos annos non licuerit venditori redimere, aliquando emptionem cum pacto redimendi censeri contractum usurarium, & præsumi tantum fictam emptionem, in effectu autem esse mutuum cum lucro ex pignore, tex-tus sunt in e. ad nostram de empt. & vendit. c. 4. de pignoribus. l. 3. C. plius valere quod agitur &c. & videri poterit Fachin. l. 2. controv. c. 12.

Similiter, si quis conténderet, antichrysin posse reduci ad aliquem contractum innominatum, do ut des, facio ut facias &c. concedo tibi usum mei prædij, ut mihi concedas usum tuæ pecuniae &c. id fortassis transiret, si nihil in fraudem usurarum attentaretur, & contractus innominatus qui certam legem non habet, sed totus ex conventione & prescriptis partium verbis dependet & regulatur. L. 3 & seqq. ff. de prescript. verb.) ita clausuletur, ut neutri parti gravis sit, & notabiliter, præserim ratione periculi interitus, à mutuo differat, possunt enim contractus innominati naturam nominatorum assu-mere, L. 5. ff. de prescript. verb.

Quaritur V. Utrum Olla fortunæ passim in Germania usitata contineat usuram vel iniquitatem, si Exempli gr. aliquis pro sex crucigeris extrahat schedam signatam, & is qui præst ollæ, debeat ipsi dare rem valentem cen-tum flor. econtra, si alius imponat 30. flor. & pro illis meras schedas vacuas recipiat?

Respon-



Respondeo, Ollam fortunæ satis probabilitet
 ab usura, & iniquitate defendi posse; ab usura
 quidem, quia non intervenit contractus iuratus,
 in quo solo propriè committi usuram superius
 in §. 1. diximus. etenim hæc olla fortunæ non
 immerito ad contractum emptionis & vendi-
 tionis revocari potest, in quo pecunia pro pre-
 tio, & spes rei accipiendæ pro merce fit. prout
 in l. nec emptio. 8. §. aliquando. ff. de contrahenda
 emptione Aliquando, inquit jurisconsultus sine re
 emptio intelligitur, veluti cùm quasi alea (id est ca-
 sus, fortuna, vel eventus dubius) emitur, cùm ca-
 ptus piscium, avium vel missilium emiur, etenim
 emptio contrahitur: et si nihil inciderit, quia spes em-
 ptio est. & hinc qui v. g. à pescatore vel auceps
 pro imperiali emerit, quod media die captu-
 rus est, tenetur solvere pretium, et si nihil ca-
 ptum sit; & è converso pescator & auceps tene-
 tur tradere, quod cepit, et si longè pluris æsti-
 metur. Ab iniquitate quoque defendi potest olla
 fortunæ, dummodò de cætero fraudes in signa-
 tione, impositione vel extractione schedarum
 non committantur: quia in ea pretium non mea-
 timur secundum valorem rei extractæ, sed jux-
 ta spem & incertitudinem lucri vel damni. Ve-
 rum licet olla fortunæ in se & cæteris paribus ne
 suraria nec iniqua sit, quia tamen non longè
 abicit à lusu aleorum, qui prohibetur in toto tit.
 de aleotoribus. & multiæ circa eam fraudes com-
 mitti possunt, atque curiosi pecunias prodigunt,
 illi vero, qui erigunt ollam, pecunias extra civi-

tatem & Provinciam avehunt, idèò à prudenti-
bus Magistratibus non semper tales ollæ tol-
rantur.

8 *Quaritur VI.* Utrum usuram committat,
qui rem carius vendit propterea, quod pretium
non statim numeretur, sed ejus solutio in aliud
longius tempus differatur? **R.** cum Panorm. &
alijs in cap. in civitate. 6. h. t. taletm contractum
in foro quidem externo rariis censi nomine
usuratum, cum non sit formale mutuum, in quo
solo propriè usura committitur, in foro tamen
interno saepius esse usuram, eò, quod hæc ven-
ditio saltem in effectu & implicitè contineat in
se mutuum, & venditor censeatur brevis manus
pretium emptori usque in tempus solutioni de-
stinatum sub usuris credidisse & mutuasse. sicut
tamen alias in mutuo propter lucrum cessans vel
damnum emergens potest aliquid ultra fortem
accipi, ita etiam in hoc venditionis contractu
poterit venditor rem pluris aestimare, si sua in-
tersit pretium non statim persolvi. Et præterea
si dubium sit, an res vendita tempore solutionis
sit plus vel minus valitura, & venditor non fuisset
eum prius venditus nisi in singularem gra-
tiam emptori, propter istud dubium etiam ven-
ditor ab usura excusat in dict. cap. 6. & cap.
ult. vers ille quoque. h. t.

9 *Quaritur VII.* An usurarius, vel illicitus sit
contractus, si quis alienum debitum, nomen, seu
Chyrographum emat, aut sibi cedi faciat pro mi-
nore quantitate, quam in se contineat, v. g. si
pro debito 1000. flor. numeret 600.? **R.**

R. Imprimis satis tum jure, tum usu rece-
ptum esse, credita seu (ut juris periti appellant)
Nomina & Chyographa tanquam mercem ido-
neam posse in contractum emptionis deduci e-
tiam invito debitore. L. nominis. 3. C. de heredita-
te vel actione vendita. L. 1. C. de novat. dum mo-
do sint debita liquida, nam alienas lites & debi-
ta illiquida seu controversa & litigiosa emere se-
verè in jure prohibitum est, tex. & interpp. in l.
per diversas. & l. ab Anastasio. C. mandati. t. t. C.
de litigiosis. Pan. ad c. fin. X. de alien. judic. mut.
caus. facta. Wesenb. ad tit. ff. de hered. vel act. ven.
Et quidem si in ejusmodi debitis ambigua (de
facto, non de jure) aut difficilis sit executio so-
lutionis, ita ut pecunia sine molestijs, vel sumptui-
bus à debitore acquiri non possit, vel si in favo-
rem venditoris expositum pretium potuisset
empor aliorum cum majori lucro applicare, &c
sic lucrum cessans, vel damnum emergens cum tali
emptione concurrat, omnes consentiunt, quod
debitum arbitrio boni viri consideratis omni-
bus circumstantijs possit etiam longè minoris
emi, quam in se contineat.

Verum si debitum facile obtineri possit, nec
propter pretium aliquid intersit emptoris, non
est una omnium sententia, an tale debitum mi-
noris emere liceat? R. Esse distinguendum, an
facilitas solutionis proveniat ex qualitate ipsius
debiti, ut quia debitor semper paratus est illud
solvere; vel an tantum ex qualitate emptoris, ut
quia is ex speciali Principis gratia, vel alio si-

gulari medio solutionem obtinere potest, quæ
aliás ægrè obtineretur.

Primum casum magis speculativum, quām
practicum centet Card. Lugo de *J. & J.* tom. 2.
disp. 36 sect. 7. §. 1. n. 96. quòd vix contingat
debitum emi sine omni difficultate exactionis,
periculo, vel interesse. si tamen contingat, ut
v. g. creditor pecunia indigus ob repentinum
discessum, vel aliud repentinum accidentis mox à
debitore habere non posset, ideoque alteri pro
parata pecunia suum creditum liquidissimum
venderet, ipse putarem tutius fore in conscientia
non licere tale debitum minoris emere, sicut
cum Medina, *Sylv.* & alijs docet Lessius de *J.*
& J. lib. 2. cap 21. n. 71. nam inter mercem
& pretium debet esse æqualitas, non est autem
æqualitas si v. g. pro 100, dentur 90. & aliás
multæ usuræ palliari possent, si usurarius dice-
ret, se nolle mutuare, velle autem ab illo, qui
mutuum petit, emere chyrographum 100. flor.
pro 90. & sic in effectu nihilominus 10. pro
100. lucraretur. Non est tamen omnino erro-
ris damnanda altera sententia, quæ concedit ali-
quanto modicè minus pretium dari: quòd
communi hominum estimatione minus valere
censeatur pecunia futura, quām præsens, sicut
minus est actionem habere, quām rem, *L. minus.*
250. ff. de R. I. neque emptio sine omni proflus
commodo celebrari soleat, *Innos. & Pan. int.*
in civitate. de usur. Nav. in Man. 6. 17. n. 230.

In secundo casu, quando facilitas solutionis
per



per accidens provenit ex persona emptoris , exi-
stimat Less. d. l. n. 76. & Molin. de f. & f. tr. 2.
diff. 361. posse debitum emi extra injustitiam se-
cundum illam estimationem , quam conside-
ratâ difficultate solutionis communiter apud al-
ios & in foro habet, illud enim justum rei pre-
mium censetur , quo communiter apud homines
estimatur. sicut in simili, qui gemmam sine o-
mni suo labore & sumptu inventam aut dona-
tam accepit , potest absque injustitia eam tanti
vendere, quanti communiter solet vendi ab ijs ,
qui similes gemmas magnis sumptibus con-
quirunt. fatetur tamen Lessius sàpè peccare ta-
les emptores saltem contra charitatem (quod
etiam grave peccatum est, quamvis ordinariè ad
restitutionem non obliget) si miseris & indi-
gentibus hominibus non majus pretium per-
solvant, cum ipsi nonnunquam ingens lucrum
reportent. Item Officiales Principum , qui se
in solutionibus debitorum difficiles exhibent , &
ita indirectè cogunt creditores ad sua debita vi-
li pretio vendenda, quæ ipsi coëmunt , haud du-
biè graviter contra justitiam peccant, & ad resti-
tutionem obligantur. Less. d. l. si enim possunt
sibi solvere, poterunt utique & alijs , quibus ex
justitia debetur. & si creditores velint ultrò pro-
pter publicam necessitatem aliquid remittere ,
profectò justiùs est, ut illa portio remissa accre-
scat æratio Principis pro publico bono, ne sub-
dit gravioribus contributionibus onerentur.

Quid ergò , si creditor velit suum creditum

Vv 4

mino-

minoris vendere, poteritne ab ipso debitore, si va
is Princeps sit, sive alius, minori pretio emi? R.
Si debitor ipse sit causa difficultis solutionis, uti-
que sine iniquitate & onere restitutionis emere
minoris non poterit, secus verò, si propter ino-
piam aut alium casum totum solvere nequeat,
tunc enim non apparet, cur debeat esse deterio-
ris conditionis, quam quilibet alius extraneus,

Nav. d. l. Less. d. l. n. 70.

Advertendum tamen, si in præmissis casibus,
& juxta dicta aliquid contra charitatem vel ju-
stitiam peccetur, hoc peccatum non statim esse
reducendum ad usuras, & usurarum pœnas,
quia in *emptione*, & non in *mutuo* committitur
per tradita superius §. 1. n. 2. nisi in fraudem
usurarum mutuum tali aliquo contractu pal-
lietur.

10 *Quæritur VIII.* Quid sit *contractus censualis*,
an & quando *usurarius* judicandus? *Census* ve-
teri jure Ramano à *censendo* seu *æstimando* di-
cebatur *æstimatio patrimonij subditorum*, unde
tributum Cæsari vel Magistratui solvere tene-
bantur, *i. forma. ff. de cens. l. 2. & 3. C. eodem.*
sed & ipsum quoque tributum *census* vocabatur
juxta illud Matth. 22. *licetne censem dare Cæsar*
Ec. de jure verò *Canonico* & ad propositum
census vel *contractus censualis* est *jus per emptio-*
nem aut similem contractum acquisitum redi-
tus annuos ex re, vel industria aliena provenien-
tes percipiendi. Dico, *ex re vel industria.* Nam
census dividitur in *realem & personalem.* *Realis*
cen-

census est, qui fundatur super certa re una vel pluribus. e. g. si à Titio emam jus percipiendi illos redditus, quos ipse annuatim ex domo vel prædijs suis percipit, quare hic census cum realis sit, & rei inhærens comitatut rem ad quemcunque possessorem deveniat, sicut servitus ad aliud onus reale.

Personalis census est, qui fundatur super certa persona, quæ se obligat ad annuam pensionem, non tam respectu certæ rei, quam potius respectu lucri acquisiti ex propria industria, puta si illa persona exerceat negotiationem, opificium aut artificium; nisi quod subinde ad debitum securitatem certus fundus hypothecæ subjiciatur, non tamen cum jure, ex illo fundo fructus percipiendi.

Uterque census tam *realis* quam *personalis* plerumque solet habere pactum redimendi, ut scilicet ille, qui censum ex re vel industria sua vendidit, possit hunc censum rursus redimere, si emptori pretium pro venditione census acceptum denuò restituat. Imò frequenter census ex utraque parte redimibilis constituitur, ita ut non tantum vendor possit restituere pretio censum redimere, & se vel res suas ab hoc onere liberare, sed etiam ipse emptor possit venditori rursus jus suum cedere, ab eoque pretium pro censibus datum repetere.

Verùm quia talis contractus censualis prima fronte nihil videtur differre à mutuo sub usuris contracto, quia & in mutuo debitor mutuum

Vv s

acce-



acceptum pro libitu restituere, & creditor illud repetere potest, interim usuræ annuæ & pensiones ex mutuo præstandæ sunt, ideo inspicendum est, utrum tales contractus censuales sine peccato usuræ sustineri valeant? Respondeo itaque primò censum *realem* ex parte solius venditoris redimibilem esse contractum licitum & non usurarium, per expressam declarationem Pontificiam in extravag. 1. & 2. de empt. & vend. inter com. dummodo census eo pretio ematur, quod consuetudo loci vel Magistratus justum decrevit, prout consuetudine Germaniæ receptum, ut s. floreni anni redditus emantur pro centum florenis.

Est etiam inter hunc *contractum censualem* & inter *mutuum* notabilis differentia, quæ ex communi DD sententia aperte colligitur in ci-tatis extravagantibus, nam in *mutuo* bonis & facultatibus debitoris casu aliquo pereuntibus nihilominus pecunia mutuata cum usuris repetitur, at verò in *contractu censuali* seu *emptione* census *realis* si res, ex qua redditus annuus sive census emptus est, intereat, census quoque & facultas repetendi pretium interit.

Similiter si propter sterilitatem aut aliam causam res censualis non tantos fructus proferat, ut integræ pensioni sufficient, non tenetur debitor seu venditor censū totum censum solvere, nisi antecedentium aut subsequentium annotum fertilitas talem sterilitatem compenset. Cujus ratio est, quod hic *contractus* *emptionis* sit, emptione autem perfecta periculum in re empta

ptione



contingens ad emptorem pertineat, *toto t. ff. de periculo & commodore rei venditæ.*

Non etiam obstat, quod contra hunc contrahendum censualem objici solet, nimisrum esse contra naturam pecuniae & emptionis, ut una pecunia aliâ pecunia ematur, cum pecunia sit tantum pretium ad alias res comparandas; item emptionem esse tantum de praesenti, in contractu autem censuali hic & nunc nulla res praesens sit, quae ematur. Nam dicendum est, in contractu censuali non emi pecuniam tanquam mercem, sed jus percipiendi pecuniam, prout etiam alia jura incorporalia recte emuntur, & venduntur. Unde quia istud jus futuris temporibus percipiendi pecuniam statim tempore emptionis a venditore census conceditur emptori, ideo hoc respectu satis res empta praesens dici potest. Velluti & fructus in agris, partus ex animalibus in futurum nascituros jure vendi probatur *ex l. nee emplio. 8. ff. de contrahenda emptione.*

Quod si census realis non tantum ex parte vendoris, sed etiam emptoris, & sic utriusque redimibilis constituatur, adhuc tamen non improbabiliter ab usura defendi potest. contractus enim ex conventione legem accipiunt, c. contractus. 85. de R. I. in 6. & illæ differentiae inter mutuum & tales contractum paulò ante enumeratae adhuc permanent.

Verum quidem est, quod ex constitutione Caroli V. in Comitijs Augustanis facta sub titulo, *de usurarijs contractibus*, ad censum licitum requiratur, ut ejus redemptio non sit in arbitrio empto-

emptoris, sed solum venditoris, nihilominus id intelligi potest, quod in foro externo non aequaliter ex tali pacto usura, & palliatum mutuum presumatur, quae presumptio non habet locum in foro interno, si omnia bona fide agantur, & periculum intereuntis rei censualis penes emptorem maneat. præterea similes conditiones quatenus ea prohibent, quae juri naturali non aduersantur, non ubique esse receptas, afferit Paul. Laym. in *Theol. mor.* lib. 3. tract. 4. c. 18. sub n. 6. Attamen in loco ubi non esset consuetudo censum utrinque redimibilem constituere, tutius foret à tali contractu abstinere propter illam fori externi presumptionem, & scandalum aliorum, ac periculum usurariæ intentionis.

11. Respondeo II. Censum quoque personalem præsertim à solo venditore redimibilem (probabiliter etiam utrinque redimibilem per ea quae mox de censu reali diximus) ab usura plurimi D.D. defendant. Si enim aliae præstationes super sola personæ industria constitui possunt, profit fit in tributo Magistratui solvendo, in decimis personalibus, in contractu societatis &c. non appareat ratio, cur idem censu personali fieri nequeat, cum de æquivalentibus idem sit judicium. *L. ultimâ ff. mandati.* Differt autem hic contractus à mutuo, I. Quod constitui non possit, nisi cum tali persona, quae ex sua industria lucrum facit. II. Si ex causa persona censualis lucrum facere amplius non valeat, pensiones quoque annuae amplius non solvantur. III. Si census ex



ex parte solius venditoris redimibilis sit, itetum differt à mutuo, quia mutuum non tantum debitor sponte solvere, sed etiam creditor ab invito debitore petere potest.

Imò non desunt magni nominis DD. qui censum personalem & realem constitui posse affirmant cum pacto assencionis, ut nimis venditor suscipiat in se periculum interitus, & re censuali pereunte, vel lucro ex industria personae sine culpa ejus cessante, venditor non quidem annuos census persolvere, sed tamen capitale seu pretium census restituere teneatur. dummodo hæc obligatio venditoris ipsi aliquo modo compensetur scilicet pretium census augendo, vel, quod in effectu idem est, minorem censem exigendo. Ita námque in alijs contractibus aperto jure concessum est, ut contra naturam contractus periculum ex speciali pacto ad alterum pertinente possit, puta in commodato ad commodata-
tum, in deposito ad depositarium, c. unico, de
commodato. l. 1. ff. depositi Verùm contra hunc
censem personalem, & pactū assencionis adduci-
tur Bulla Pij V. quæ incipit; Cùm onus Aposto-
lica servitutis, cui tamen similis responsio aptari
potest, quæ supetius circa constitutionem Caro-
linam data est. Prolixius hanc materiam de cen-
sibus tractat Laym. d. l. c. 18. & Cov. variarum
resolut. lib. 3. c. 7. Heint. Canis. de usur. c. 14.
Lessius de f. & f. lib. 2. c. 22. aliisque apud eos
citat.

Quaritur VIII S. ultimò, quid sit Cambium, 12
& quo.

& quo titulo ex eo lucrum acquiri possit? Ne*gotiatio* ista pecuniaria, quæ *cambium* dicitur pa*sim* nota & usitata nihil est aliud, quam permu*tatio* pecunia*e* pro pecunia, in qua ille qui roga*tur*, ut pecuniam commutet, camp*sor*, ille verò qui rogar*&* ad eujus gratiam pecunia commutatur *Campsarius* appellari solet; prisco enim vocabulo *cambiare* vel *campsare* idem quod *permui*re** significabat, sicut ex Prisciano refert Cov. de collatione veterum numismatum. c. 7. n. 4.

Licet verò etiam in *mutuo* pecunia pro pecunia detur, id tamen non sit causa permutationis, neque statim tempore contractus in mutuo, sicut in cambio pecunia unius datur pro pecunia alterius, sed solus creditor numerat pecuniam, ut in futurum vel eandem, vel aliam ejusdem generis, & bonitatis recipiat, cum ergò *cambium* à *mutuo* differat, consequens est, quod lucrum ex cambio quæsitum nomine *usurarum* censi*ri* non debeat, nec usurarum pœnis subjaceat. videamus tamen breviter, ex quibus causis aliquod lucrum citra iniuriam ex *cambio* percipiatur.

Est autem præsciendum, *cambium* dividi in *mannale* sive *minutum*, & in *cambium locale*. *Cambium minutum* seu manuale dicitur, quando pecunia unius formæ aut materiæ permittatur cum pecunia alterius formæ aut materiæ v.g. crucigeri aut festertia pro taleris, vel aureis, moneta Germanica pro Italica, Hispanica &c. dicitur *minutum*, quia plerumque minor moneta commutatur pro majore, & *manuale*, quia sta-

tim

tim in eodem loco & tempore de manu ad manus vicissim pecunia numeratur.

Locale cambium est, quando pecunia præsens commutatur cum pecunia stante in alio loco, quod cum ordinariè per litteras fieri soleat, per quas campfor mandat suo correspondēti, ut cāplario certam pecuniæ quantitatē, quam ipse campfor jam hīc v.g. Salisb. accepit, numeret Romæ, ideo etiam *cambium per litteras* appellatur. Id que præcipuè ob utilitatem itinerantium inventum est, ne cogantur pecunias cum magno periculo & incomodo secum continuo deferre.

Porrò in *cambio minuto* si v.g. aurei pro crucigeris commutandi sint, solent campores aliquid auctuarij loco exigere, & frequenter pro quolibet aureo sextertium vel grossum. causas hujus exactioris DD. aliquot allegant, prima est locatio operæ & obsequij, siquidem campor debeat semper paratas habere diversi generis pecunias, quemlibet ad cambium in suam domum intromittere, inde se & famulos hujus negotij expertos alere. quod maximè procedit circa campores, quibus obligatio tale cambium exercendi pro publica hominum utilitate à Magistratu imposita est. secunda causa, est *lucrum cessans* vel *damnum emergens*, ut si campor poluerat nummos aureos alio deferre ubi plures valent, & alibi merces emere, ubi aliâ moneta longè carius emuntur &c. Tertia, puritas materiæ, quia communi hominum iudicio imperialis vel ducatus purus nihil habens de cupro admix-

admixtum pluris æstimatur, quam moneta im-
pura. Nec obstat, quod quidam opponunt, æ-
stimationem materiae non esse in potestate subdi-
torum, sed Principis monetam cudentis. Nam
respondeatur nummos alio modo æstimari à
Principe, & alio à subditis: à Principe quidem
nummi *formaliter* considerantur, ut nummi
sunt, & quatenus mensura rerum venalium, &
solutionis debitorum: à subditis vero in cam-
bio, & commutatione *materialiter*, & ut res sui
patrimonij, quæ in se meliores vel deteriores
sunt. Hinc etiam pro quarta causa assignant at-
titudinem, raritatem, commoditatem conser-
vandi, numerandi, vel deferendi monetam.
Quinta demum esse potest, usus seu expendibi-
litas, ut si in aliquo loco commutentur nummi,
qui possunt ibi expendi cum ijs, qui expendi non
possunt, isti enim cum non habeant ibi pretium
vel valorem, minoris æstimantur.

Sed & *in cambio locali* campores aliquod lu-
crum facere consueverunt, ita ut si in exemplo
camparius hic Salisburgi numeraverit campori
centum imperiales, Romæ tantum accipiat no-
naginta quinque, & quinque cedant lucro
camporis.

Hoc vero lucrum dummodo usitatum in ali-
quo loco cambij modum, qui communis homi-
num æstimatione non reputetur iniquus, non
excedat, communiter defendunt DD. Inpi-
mis enim campores pro itinerantium utilita-
te solent ad hos operas suas locare, famulos &
seri-

Scribas alete, libros rationum tenere, aliosque sumptus facere. Deinde campor virtualiter saltem transfert pecuniam de loco ad locum, & liberat camplarium abonere, sumptibus, ac periculis, quæ ipse in transferenda pecunia subire deberet, quod obsequium merito pretio estimabile censetur. Pluta de cambijs videri poterunt apud Less. de I. & I. lib. 2. cap. 23. ubi difficultates plerasque circa cambia satis exacte pertractat.

§. III.

De Restitutione & Poenis Usurarum.

SUMMARIA.

1. Obligatio restitutionis encumbit usurarijs etiam mentalibus.
2. Cur & an non idem in Simonia mentali.
3. Jure Can. etiam heredes tenentur restituere.
4. Excusatio à restitutione.
5. Res empta ex pecunia usuraria, non est restituenda nisi deficienibus alijs medijs.
6. Contra tertium possessorem non datur actio.
7. Aliae poena usurariorum.
8. Parochi sine iudicio ordinarij non debent aliquem usurarium condemnare.
9. Oblationes quanto recipienda ab usurarijs.
10. Ad sepulturam non recipiuntur nisi præstata satisfactione, vel cantione.
11. Nec testamenta eorum valent.
12. Jurium imperiti, qui juxta communem modum sub nomine mutui accipiunt aliquid ul-

MAN. PAROCH.